
Учкўприк туманида “Ўзбек-қирғиз чегара олди ҳудудлари бизнес форуми” бўлиб ўтди

Учкўприк туманида “Ўзбек-қирғиз чегара олди ҳудудлари бизнес форуми” бўлиб ўтди. Унда Қирғизистон Республикасининг Жалолобод, Ўш, Боткен вилоятларидан 40 нафардан зиёд тадбиркор ва ишбилармонлар иштирок этди.

Бизнес форум иштирокчилари дастлаб “Бобошбек” савдо ва ишлаб чиқариш мажмуаси фаолияти билан танишишди. Ишлаб чиқариш цехларидаги иш жараёнини кузатишиб, маҳсулотлар сифати, нархи ва турлари, шунингдек, экспорт ҳажми ва географияси ҳақида батафсил маълумот олишди. Бугунги кунда “Бобошбек” ишлаб чиқариш ва савдо мажмуасида тайёрланаётган маҳсулотлар нафақат ички бозорда, балки Тожикистон, Қирғизистон, Қозоғистон, Россия, Озарбайжон каби қатор давлатларда ҳам харидоргир.

Туман иқтисодий салоҳиятининг юксалишига хизмат қилаётган мажмуада айти кунда 212 та трикотаж маҳсулотлари ишлаб чиқариш цехи, 336 та савдо дўкони, 560 та кичик савдо расталари ва 2 та замонавий логистика маркази ташкил этилган.

Шу жойнинг ўзида Фарғона ва Қирғизистон корхоналари иштирокида В2В мулоқотлар ўтказилиб, савдо ва инвестициявий келишувларга эришилди.

2024-12-12 14:12:01